



SIB QHIA XOV XWM

Phau 4, Tsab 3, Cuaj Hlis, 2010

Tsab ntawv xov xwm no yog rau cov neeg zov me nyuam hauv Wisconsin Txoj Kev Pab Nyiaj Nqi Zov Me Nyuam (Shares Child Care Subsidy Program), ib txoj kev pab them rau cov tsev neeg txom nyem cov nqi zov me nyuam thaum lawv mus koom cov kev kawm uas muaj feem xyuam nrog txoj kev ua hauj lwm.

- YoungStar rau Cov Neeg Zov Me Nyuam
- Neeg Zov Me Nyuam Cov Nqi – Hloov cov tshiab tas li
- Muaj Phau Ntawv Cob Neeg Zov Me Nyuam
- Milwaukee Kev Khiav Ntaub Ntawv rau Kev Zov Cov Yau (Milwaukee Early Care Administration) (MECA)
- Meej Mom ntawm Txoj Kev Pab
 - Txoj Cai 40%
 - Laj Thawj Kev Tsis Ntseeg

YOUNGSTAR RAU COV NEEG ZOV ME NYUAM

Wisconsin yuav txav zus mus siv txoj kev ntsuas qib zov me nyuam zoo (QRIS). Tsoom fww fab tsim kev cai tau pom zoo ntau yam kev ntsuas cov kev zov me nyuam zoo, yeej npaj muaj ib qhov nyiaj los txhawb cov neeg zov me nyuam kom zov me nyuam zoo dua ntxiv tau, thiab npaj tuav tswv yim muab cov nyiaj pab hauv Wisconsin Shares khi nrog qib zov me nyuam zoo npaum cas. Muaj cov lus piav qhia ntxaws saum huab cua ntawm <http://dcf.wisconsin.gov/youngstar/default.htm>. Tej zaum koj yuav tau mus xyuas qhov chaw no heev dua vim nws qhia txog cov kev hloov tshiab raws li kev pheej kho txoj kev pab mus zus.



Tam sim no muaj ntau txoj kev kawm thiab kev pab rau cov zov me nyuam kom txhim kho lawv txoj kev zov kom zoo dua ntxiv. 12 lub cheeb nroog muaj cov kev pab. Cov zov me nyuam hauv lwm cov cheeb nroog yuav siv tau ntau cov kev pab no saum huab cua. Yuav muaj cov ntsiab lus qhia ntxiv txog YoungStar Kev Kawm thiab Kev Pab qhov Vas Sab:

<http://dcf.wisconsin.gov/youngstar/training/default.htm>.

Lub Chaw Muab Ncauj Lus Txog Kev Zov Me Nyuam (Child Care Information Center) muaj cov kev pab txhawb kev zov zoo thiab ua hauj lwm pab daws tau koj qee yam xwm txheej ntawm <http://dpi.wi.gov/ccic/>.

YoungStar yuav tsis muaj feem xyuam rau Wisconsin Shares cov zov menyuam cov qib nyiaj zaum no. Hnub ntxov tshaj plaws uas yuav muab cov qib nyiaj khi nrog txoj kev zov me nyuam zoo “stars” yuav yog lub Xya Hli Ntuj xyoo 2011. Mus xyuas YoungStar qhov vas sab kom paub ntxiv.

NEEG ZOV ME NYUAM COV NQI THEM

Rau cov zov me nyuam uas muaj ntawv tso cai yuav tsum teev kom muaj cov nqi tam sim no thiab cov nqi kom yog nrog lawv lub chaw khiav dej num hauv zos. Cov nqi no yog ib feem tseem ceeb ntawm Wisconsin

Shares txoj kev ntsuas nyiaj them rau cov zov me nyuam. Raws li kev them ces yuav them tus zov me nyuam qhov nyiaj tsawg dua ntawm nws tus nqi los yog them raws cheeb nroog tus nqi siab tshaj plaws rho tawm niam txiv qhov nqi them nrog. Rau cov zov me nyuam uas kawm paub cai zov, qhov nyiaj them yog qhov tsawg dua ntawm tus zov qhov nqi los yog lub cheeb nroog qhov nyiaj siab tshaj plaws ntxiv 10%, rho tawm niam txiv qhov nqi them nrog. Qee cov qauv ua piv txwv qhia kev them nyiaj rau kev zov thawm hnub yog:

Little Ducklings, ib lub chaw zov ib pab me nyuam hauv Cheeb Nroog Dunn, tsub \$130 ib lub lim piam twg rau cov me nyuam ob xyoos. Lub cheeb nroog tus nqi siab tshaj plaws rau cov ob xyoos yog \$145. Cov nyiaj yuav them rau Little Ducklings rau cov ob xyoos yog \$130 ib lim piam twg rho tawm niam txiv qhov nqi them nrog.

The Rain Forest, ib pab kawm paub cai zov me nyuam hauv Cheeb Nroog Dunn, tsub \$155 ib lub lim piam twg rau cov me nyuam ob xyoos. Lub cheeb nroog tus nqi siab tshaj plaws rau cov ob xyoos yog ntxiv 10% vim yog txoj kev kawm paub cai zov, qhov nyiaj them ntau tshaj plaws yog \$159.50. Qhov nyiaj them rau The Rain Forest rau cov muaj ob xyoos yog \$155 ib lim piam twg rho tawm niam txiv qhov nqi them nrog.

Txoj kev pab nyiaj no them tsis tau ntau tshaj li cov nqi uas neeg zov me nyuam tsub rau cov niam txiv them. Yog koj cov nqi txawv cov uas ceeb toom qhia rau Wisconsin Shares, koj yuav tau hloov koj cov nqi. Kom hloov tau yog xa daim ntawv teev koj cov nqi tshiab tam sim no mus rau koj tus neeg tshwj xyuas los yog tus neeg txuas lus txog kev zov me nyuam.

Cov neeg muaj ntawv tso cai zov me nyuam tsis tag xa daim ntawv teev nqi no. Lub xeev txoj cai txwv kom txoj kev pab nyiaj them cov neeg muaj ntawv tso cai zov me nyuam ib feem ntawm lub cheeb nroog tus nqi siab tshaj plaws, raws qib kawm thiab seb tus neeg zov me nyuam puas kawm paub cai zov los tsis kawm. Cov neeg zov me nyuam uas kawm tuav ntawv tso cai zov me nyuam tas li yuav tau 75% ntawm cheeb nroog tus nqi ntau tshaj plaws; cov neeg zov me nyuam uas tsis kawm kom tuav ntawv tso cai tas li yuav tau 50%.

[Cov cheeb nroog yuav tsis tshawb fawb txog cov qib nyiaj them ntawm Wisconsin Txoj Kev Pab Nyiaj Nqi Zov Me Nyuam rau lub xyoo no. DCF yuav siv cov nqi uas sau tau los ntawm lub koom haum Supporting Families Together Association, tsis yog ntawm kev tshawb fawb.]

MECA: MILWAUKEE KEV QHIA NTAUB NTAWV RAU KEV ZOV COV YAU

Cov Nqe Lus Nug Txog Kev Tso Cai

Thov kom Cheeb Nroog Milwaukee Cov Zov Me Nyuam cov niam txiv hu rau 1-888-947-6583 yog muaj lus nug thiab/los yog muaj kev txhawj xeeb txog kev tso cai lawm tau kev pab zov me nyuam. Nws yog leej niam leej txiv lub luag num yuav tsum thov kom tau kev tso cai zov me nyuam thiab qhia seb yuav kom zov pes tsawg teev thiab yuav tsum qhia cov sij hawm xam tau kev zov. v

Hom Ntawv Ceeb Toom Tuaj/Tawm

Thov kom cov Zov Me Nyuam uas raug ceeb toom qhia cov me nyuam Tuaj/Tawm nco ntsoov qhia tias yog “Yav Sawv Ntxov” los yog “Yav Tav Su” rau ib daim ntawv ceeb toom sij hawm txhua hnuv. Thiab siv tag nrho plaub lub thawv rau cov me nyuam mus kawm ntawv lawm. Tsis txhob teev tuaj/tawm rau tib lub thawv; koj yuav tsum qhia lub sij hawm “**tuaj**” ntawm nws lub thawv thiab lub sij hawm “**tawm**” ntawm nws lub thawv thiab yog tus me nyuam rov qab los, teev rau khub thawv tom ntej ntawm tsab ntawv.

4C Cov Kev Teev Ntaub Ntawv

Cheeb Nroog Milwaukee County Cov Neeg Zov Me Nyuam hu tau rau 4C mus rau npe kawm cov kev khaws ntaub ntawv kom paub kev ceeb toom thiab paub kev teev cov ntawv txheeb npe tuaj kom yog. Xav rau npe, hu (414) 562-2652 ext 3427.

MEEJ MOM NTAWM TXOJ KEV PAB

Txoj Cai 40%: Lub Xeev txoj cai hais tias peb them tsis tau cov neeg zov me nyuam yog tias tshaj 40% cov me nyuam nws zov yog cov me nyuam uas tau nyiaj pab nqi zov me nyuam ntawm tus neeg zov me nyuam cov neeg ua hauj lwm. DCF tau pom cov neeg zov tshaj 40% cov me nyuam uas tau kev tso cai rau nws zov, yog cov me nyuam ntawm nws cov neeg ua hauj lwm. Vim muaj cov ncauj lus zoo li no, lub chaw khiav dej num yuav tsis tso cai ntiav neeg ua hauj lwm ntxiv kom txog thaum twg tus zauv no txo qis, los yog tus neeg zov me nyuam nrhiav tau cov me nyuam uas niam txiv nws them nws coob txaus kom txo cov me nyuam tau nyiaj pab zov qis dua 40%.

Piv txwv: Mimi’s Mites yog ib tus neeg muaj ntawv tso cai zov me nyuam hauv tsev, zov 10 tus me nyuam tau nyiaj pab them nqi zov los ntawm Wisconsin Shares. 4 tug me nyuam yog Mimi tus neeg ua hauj lwm cov. Thaum tus neeg ua hauj lwm thov kom tau kev tso cai zov Mimi tus me nyuam thib 5, yuav tsis tso cai.

Cov chaw khiav dej num hauv zos puav leej yuav muab cov ntaub ntawv ceeb toom txhua lub hlis coj los ntuam xyuas kom paub tias leej twg yog tus muaj tshaj 40% cov me nyuam tau kev tso cai zov. Yuav muab ib lub caij nyoog rau cov neeg zov me nyuam txo cov me nyuam ntawm cov neeg ua hauj lwm kom tsawg thiab nrhiav tau cov me nyuam tsis yog neeg ua hauj lwm cov kom coob dua ntxiv los zov. Yog tus neeg zov me nyuam tsis ua raws cai rau lub caij nyoog no, yuav muab cov kev tso cai ntiav neeg ua hauj lwm tshem tawm tsis kheev muaj.

Tsis Them Nyiaj Vim Muaj Laj Thawj Tsim Nyog Kev

Tsis Ntseeg: DCF yuav tsis them ib tug neeg zov me nyuam yog DCF muaj qhov laj thawj tsim nyog xav tias tus neeg zov me nyuam ua txhaum ib yam twg ntawm txoj kev pab Shares. DCF tsis yog yuav cia li txiav txim siab li no yooj yooj yim thiab yuav muab ntau yam coj los xav thiab txiav txim tau txoj kev tsis ntseeg no. Ib cov qauv yog muaj xws li:

1. Cov chaw khiav dej num hauv zov txoj kev tshawb fawb pom tias muaj kev txhob txwm ua txhaum txoj kev pab cov cai;
2. DCF cov neeg muab ntawv tso cai los yog cov chaw khiav dej num muab kev kawm cai zov me nyuam cov kev thim nyiaj rov uas muaj feem xyuam rau txoj kev tub sab tub nyiaj los yog kev teev dag npe me nyuam zov txhaum cai;
3. Muaj pov thawj pom tias ceeb toom npe me nyuam zov tsis muaj tseeb, los yog tus zov me nyuam muab khoom plig xiab cov neeg kom muab me nyuam rau nws zov.
4. Cov kev tuaj xyuas lub chaw zov me nyuam uas pom tias tsis muaj kev nkag tau mus xyuas chaw zov me nyuam; zov cov me nyuam tsawg tsawg tus, tsis muaj cov ntawv teev npe me nyuam zov tam sis thiab muaj cov kev ua txhaum kev tso cai/kev kawm zov me nyuam.

Ntawm no yog cov qauv ua piv txwv. Tej zaum yuav muaj lwm cov laj thawj zoo tsim nyog kev tsis ntseeg.

Thaum DCF muaj ib qhov laj thawj zoo tsim nyog rau nws tsis ntseeg, tus neeg zov me nyuam yeej zov me nyuam tau mus, tiam sis nws siv nws nyiaj txiag zov xwb. Yog kev tshawb fawb ntxiv mus pom tias muab tus neeg zov me nyuam rov los zov li qub, mam li them cov nyiaj uas tuav tseeg mus rau tus neeg zov me nyuam.



Yog koj xav tau cov ncauj lus no ua lwm hom, xav tau nws txhais ua lwm hom lus, los yog muaj lus nug/tswv yim pom zoo txog cov ntsiab lus hauv tsab ntawv xov xwm, thov sau ntawv xa raws rau ChildCare@Wisconsin.gov los yog hu rau tus thawj tswj cov chaw zov me nyuam hauv zos los yog Cheeb Nroog Milwaukee neeg txuas lus. Muaj lus nug txog pej xeem huab hwm cov cai, hu rau (608) 266-5335 los yog (866) 864-4585 TTY (Xov Tooj Hu Deb Dawb). Cov tsab ntawv xov xwm dhau los muaj nyob rau ntawm <http://dcf.wisconsin.gov/childcare/wishares/newsletter.htm>.